



Concello de Vigo

Secretaría de Gobierno Local
Expte 818/1102

RESOLUCIÓN

RESTRICIÓN ÁS AGRUPACIÓN S DE PERSOAS PARA A PROTECCIÓN DA SAÚDE DAS PERSOAS ANTE A EXISTENCIA DUN RISCO DE CARÁCTER TRANSMISIBLE (ORDE do 04 de novembro, da Consellería de Sanidade)

Con data 11 de marzo do 2020 a Organización Mundial da Saúde (OMS) declarou o brote de SARS-CoV 2 como pandemia. Por Resolución desta Alcaldía de data 12 de marzo de 2020 acordouse a creación dun Comité de Seguimento de evolución do COVID-19, coa finalidade de analizar a situación e proponer a implementación das medidas que se estimasen necesarias.

Realizada a reunión constitutiva do Comité na mesma data, propuxérónse unha serie de medidas destinadas a minimizar o risco de contaxio do coronavirus COVID-19, e a protección da poboación e dos empregados municipais, partindo das recomendacións efectuadas polas autoridades administrativas sanitarias. Por sendas Resolucións desta Alcaldía de data 13 de marzo de 2020 adoptáronse acordos de modificación do primeiro paquete de medidas, e de aprobación dun segundo paquete de medidas, que contemplaba, no seu apartado segundo o establecemento do sistema atención presencial na Casa do Concello con cita previa limitado a unha serie de oficinas.

O Consello da Xunta de Galicia, do 13 de marzo de 2020, declaraba a situación de emergencia sanitaria no territorio da Comunidade Autónoma de Galicia e activaba o Plan territorial de emergencias de Galicia (Platerga) no seu nivel IG (emergencia de interese galego), como consecuencia da evolución da epidemia do coronavirus COVID-19.

Posteriormente por Real Decreto 463/2020, do 14 de marzo, declarouse o estado de alarma para a xestión da situación de crisis sanitaria ocasionada polo COVID-19, prorrogado por Acordo dos Congresos dos Deputados de autorización da prórroga do estado de alarma declarado polo Real Decreto 463/2020, de 14 de marzo, prorrogado polo Real Decreto 476/2020, do 27 de marzo, polo Real Decreto 487/2020, do 10 de abril, polo Real Decreto 492/2020 do 24 de abril, Real Decreto 514/2020, do 8 de maio, Real Decreto 537/2020, do 22 de maio, e polo Real Decreto 555/2020, do 5 de xuño, polo que se establecía a duración de o dito estado de alarma ata o día 21 de xuño, no marco do Plan de desescalada fixado polo Goberno do Estado.

Por Acordo do Consello da Xunta de Galicia, do 12 de xuño do 2020, sobre medidas de prevención necesarias para fazer fronte á crise sanitaria ocasionada polo Covid-19, e unha vez superada a fase III do Plan para a transición cara a unha nova normalidade, e ata o levantamento da declaración da situación de emerxencia sanitaria de interese galego efectuada polo Acordo do Consello da Xunta de Galicia do 13 de marzo de 2020, establecerónse as medidas precisas para todo o territorio da Comunidade Autónoma de Galicia, modificada por Orde do 15 de agosto, e do 10 de setembro de 2020, sen perxuízo das modificacións introducidas por sucesivas Ordes no Anexo.

Á vista da evolución da pandemia no territorio da Comunidade Autónoma de Galicia, por Orde do 14 outubro de 2020 da Consellería de Sanidade se establece unha medida de prevención específica como consecuencia da evolución da situación epidemiolóxica derivada do COVID-19 na Comunidade Autónoma de Galicia. Con posterioridade foi dictada, nova Orde Orde do 21 outubro de 2020 da Consellería de Sanidade se establece unha medida de prevención específica como consecuencia da evolución da situación epidemiolóxica derivada do COVID-19 na Comunidade Autónoma de Galicia.



| | | | |
|--|---------------------------------------|--|---------------|
| | Copia do documento - Concello de Vigo | Data impresión: 14/01/2021 14:41 | Páxina 1 de 2 |
| | Expediente 818/1102 | CSV: 25EA81-E4DD4B-82415E-7PD32F-SMRASH-EH | |
| Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv | | | |



Concello de Vigo

Por Decreto 178/2020, do 30 de outubro, do presidente da Xunta de Galicia, se adoptaron medidas no territorio da Comunidade Autónoma de Galicia para fazer fronte á crises sanitaria, na condición de autoridade competente delegada no marco do estado de alarma declarado polo Real decreto 926/2020, de 25 de outubro, polo que se declara o estado de alarma para conter a propagación de infeccións causadas poloSARS-CoV-2. Por Decreto 179/2020, do 4 de novembro, do presidente da Xunta de Galicia, se adoptaron medidas no territorio da Comunidade Autónoma de Galicia para fazer fronte á crises sanitaria, na condición de autoridade competente delegada no marco do estado de alarma declarado polo Real decreto 926/2020, de 25 de outubro, polo que se declara o estado de alarma para conter a propagación de infeccións causadas poloSARS-CoV-2.

Á vista da evolución das circunstancias, e do disposto na Orde do 4 novembro de 2020 da Consellería de Sanidade se establecen medidas de prevención específicas como consecuencia da evolución da situación epidemioloxica derivada do COVID-19 na Comunidade Autónoma de Galicia,e no marco de seguimento por esta Alcaldía-Presidencia da situación, neste intre cómpre a adopción de novas medidas propostas na reunión do Comité de Seguimento de data 6 de novembro de 2020 para garantir o cumprimento das indicacións sanitarias e de seguridade formuladas polas autoridades competentes, resultando aconsellable reforzar ao máximo o coñecemento e a difusión da antedita, facendo comunicación expresa ás Concellerías municipais, para que adopten as medidas oportunas para garantir o seu cumprimento.

No exercicio das competencias que a normativa vixente en materia de réxime local lle confire a esta Alcaldía-Presidencia en canto á dirección da política, o goberno e a administración municipal, así como o establecemento das directrices xerais da acción de goberno municipal e o aseguramento da súa continuidade, contidas no artigo 124.4.a) e c), respectivamente, da Lei 7/1985, de 2 de abril, Reguladora das Bases do Réxime Local, e Lei 5/1997, do 22 de xullo, de Administración Local de Galicia, de conformidade coas medidas previamente adoptadas por esta Alcaldía no marco do seguimento da situación:

RESOLVO;

Primeiro.- Instar ás persoas titulares das distintas Concellerías que conforman o goberno municipal á adopción, no ámbito das súas respectivas competencias, das medidas necesarias para o cumprimento da Orde do 4 novembro de 2020 da Consellería de Sanidade se establecen medidas de prevención específicas como consecuencia da evolución da situación epidemioloxica derivada do COVID-19 na Comunidade Autónoma de Galicia.

Segundo.- Notificar a presente Resolución ao conxunto das Concellerías Delegadas que conforman o goberno municipal, e Xefaturas de ÁREA e Servizo municipais.

Terceiro.- Dar publicidade deste acordo mediante todos os medios internos e externos disponibles, procurando a máxima difusión á ciudadanía.

CCA/xs

O ALCAI DE-PRESIDENTE- ABEL CABALLERO ÁLVAREZ.

Dou fe. A SECRETARIA DO GOVERNO LOCAL -M^a CONCEPCIÓN CAMPOS ACUÑA



| | | | |
|--|---------------------------------------|--|---------------|
| | Copia do documento - Concello de Vigo | Data impresión: 14/01/2021 14:41 | Páxina 2 de 2 |
| | Expediente 818/1102 | CSV: 25EA81-E4DD4B-82415E-7PD32F-SMRASH-EH | |
| Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv | | | |